

Ո՛ւմն է մոլորակը

հեղինակ՝ Բորիս Շտերն
թարգմանիչ՝ Ռուբեն Թարումեան

Երկրային հետախուզական աստղաթիռը քարշ էր գալիս աստղային փոշու կուտակման մեջ: Մռայլ, չուսումնասիրված տեղ էր: Երկրացիները այստեղ եւ ամենուրեք փնտրում էին թթվածնային աշխարհներ՝ էլ շնչելու բան չկար: Ուստի երբ աստղաթիռը մոտեցավ թթվածնային մոլորակին, Ստաբիլիզատոր ռոբոտը բղավեց անմարդկային ձայնով. «Երկիր», եւ մայոր Բեյ Ամոռը արթնացավ: Տեղն ու տեղը իրենց միջեւ կայացավ զուտ տեխնիկական բնույթի խոսակցություն, համեմված հումորով՝ առավել հետաքրքրության համար, խոսակցություն, որը պարտավոր են վարել երեւակայական պատմվածքի բազմաչարչար հերոսները ընթերցողներին տեղեկացնելու կարքով. մոլորակները բնակեցնելու, տիեզերքում հետախուզություն անցկացնելու, իրենց աշխատանքի դժվարությունների մասին: Ավարտելով սույն տախտկալի խոսակցությունը, նրանք քիչ ավելի ազատ շունչ քաշեցին եւ գործի անցան. Անհրաժեշտ էր լողան դնել:

Ինչ բան է լողա՞նը: Դա հաղորդիչով տուփ է: Այն նետվում է ուղեծրի վրա եւ ազդանշան տալիս. «Երկիր տիրո՛ւյթ, երկիր տիրո՛ւյթ, երկիր տիրո՛ւյթ...»: Այս ազդանշանի վրա հզոր աստղաթիռներով պլանում են վերաբնակվողները:

Ահա եւ եղած-չեղածը:

Մի քանի խոսք Բեյ Ամոռի ու Ստաբիլիզատորի մասին. Բեյ Ամոռը-ամրակուռ տղամարդ է, աչքերը՝ երկնագույն, ծնոտը փոքրիկ ծալքով: Տիամար չի, բայց չափավոր է խելոք: Կենսագրությունը հետաքրքրություն չի ներկայացնում: Ստաբիլիզատորի մասին ավելի քիչ: Երեք մետրանոց ռոբոտ է: Տգեղ չի, բայց բացառիկ տիամարն է: Երբ Բեյ Ամոռը անգործ թրեւ է գալիս, Ստաբիլիզատորը աշխատում է. բռնում է դեկանիվը, հետեւում է սարքերին:

Իրենց ստիպված կլինենք որոշ ժամանակով թողնել, քանի-որ դեպքերն անսպասելի ընթացք են ստանում: Փոշու կուտակման մյուս ծայրից մոլորակին զգուշորեն մոտենում է անցակալի անձնավորություն՝ արտերկրյա քաղաքակրթության աստղաթիռ: Սա ռազմական հաժանավ է: Նա պարեկում է շրաջակայքը եւ տեղն եկած դեպքում չի հրաժարվի իրենով անել հարմար երկնային մարմինը: Իր քաղաքակրթությանը օդի պես նավթ է պետք... իրենք ինչ-որ բան են անում դրանով: Նավապետի խցիկում նստած է բարձրաստիճան պաշտոնյա՝ ուսապանակներով դողոշ: Անձնակազմը եռակի ցատկում է մինչեւ առաստաղ. հայտնաբերված է նավթով մոլորակ՝ եռամսյա արձակուրդն ապահովված է: Հաժանավը եւ երկրային հետադուզիչը մոտենում են մոլորակին եւ նկատում միմիյանց:

Կազուս:

— Թնդանոթներ ունե՛ն, — փսփսում է Ստաբիլիզատորը:

— Ինքս էլ եմ տեսնում,— պատասխանում է Բեյ Ամոռը:

Կաթնածիրում վերջերս է խաղաղություն հաստատվել:

Քեֆները տվածի չափով պատերազմեցին, համաստեղությունները փլատակների մեջ են, օր չի անցնում, որ մեկն ու մեկն ականապատված դաշտ չնկնի: Այսպիսի, ահա, հակամարտություն էր:

Իսկ այժմ խաղաղություն է: Ճիշտ է, շատ խախուտ: Յուրաքանչյուր միջադեպ հղի է հետեւանքներով, հատկապես որ կան միջադեպերի սիրահարներ:

Ահա օրինակի համար. ուսապանակներով դողողի կողքին նստած է նրա օգնականը. ավագ լեյտենանտ Էնֆիքսը: Սա բարոյական հիմքերից գուրկ դողոշ է: Թքած համաձայնության վրա, կռկռում է նա: Մեկ կրակոց եւ ոչ ոք չի իմանա: Իսկ իմանան՝ ներողություն կխնդրենք: Շատ են բազմացել էդ երկոտանիները: Ռազմական հաժանավը բանի տեղ չեն դնում:

Այսպիսիներն էլ կան:

Իսելամիտ եղեք, պատասխանում է ուսապանակներով դողոշը: Վերջի պատերազմի ժամանակ դուք դեռ շերեփուկ էիք, իսկ ես արդեն էն N-երորդ հրթիռային դիվիզիայի հրամանատարն էի: Դուք լսե՛լ եք Եզնարածի չեզոք քաղաքակրթության ճակատագրի մասին: Մոխիրի քուլաները մինչեւ օրս դեռ չեն ցրվել: Այնպես որ, թե ուզում եք կռվել, ամուսնացեք ազատախոհ գործուհու հետ եւ գրոհեք նրան: Իսկ հրահանգը պահանջում է. ցանկացած օտարի հետ վիճելի հարցերի շուրջ բանակցություններ սկսել:

Բել Ամոռի ստացած հրահանգը նույնանման բովանդակություն ունի:

Հսկայական հաժանավը եւ երկտեղ նավակը մոտենում են իրար:

— Դուք չկայի՛ք, երբ մենք մոտեցանք:

— Մենք մոտեցանք, երբ դու՛ք չկայիք:

Բել Ամոռը առաջարկում է օտարականներին ռադները քաշել: Էդ ինքը բոհություն է ցուցաբերում հեղինակություն վաստակելու համար:

— Լսե՛ք,— քաղաքավարի պատասխանում է ուսապանակներով պաշտոնյան: — Ծառայության բերումով ես գինվորական եմ, իսկ էությանմբ՝ խաղաղապաշտ: Այսպիսին է իմ ներքին հակասությունը: Իմ օգնականը առաջարկում է հարցը լուծել մեկ կրակոցով, բայց եթե սկսվի նոր պատերազմ, ես չեմ տանի բարոյական պատասխանատվությունը: Եկեք խաղաղ որոշենք:

Բել Ամոռը համաձայնում է, նախապես արտահայտելով հատուկ կարծիք այն մասին, որ թնդանդթների հետ ինքն էլ դեմ չի խաղաղ բանակցություններ վարել:

Հենց տեղում մշակվում է բանակցությունների կարգը: Մենք պիտի ելնենք, առաջարկում է Բել Ամոռը, հավասարության սկզբունքից: Ճիշտ է դուք ունեք հաժանավ, իսկ ես ընդամենը փոստատար տոտոիկ, սակայն արտաքին հատկանիշները չպետք է ազդեն բանակցությունների վրա: Մյուս կողմից հաժանավը առաջարկություն է անում բանակցությունների ժամանակակարգի կապակցությամբ: Հաժանավը պնդում է. բանակցությունները վարել մինչ ուժասպառ, մինչեւ չընդունվի երկու կողմերը բավարարող որոշում: Մոլորակի ճակատագիրը պետք է որոշված լինի:

Ահա հատվածներ բանակցությունների սղագրությունից: Այն վարել էին հաճանավում եւ սիրով տրամադրել երկրացիներին:

«Օգոստոսի 7, բանակցությունների առաջին օր.

Գեներալ Պտերիքս. Կուպտություններ պետք չեն: Խաղաղ որոշենք:

Մայոր Ամռո. Քննարկե՞նք մեր վեճը միջքաղաքականության միջնորդ դատարան հանձնելու մասին հարցը:

Պտերիքս. ՕՖ, էդ միջքաղաքականները... դատարաններով քարշ կտան:

Բեկ Ամռո. Դե՛... եթե դուք այդպե՛ս եք կարծում...

Պտերիքս. Առաջարկում ենք մոլորակի բաժանման հարցը չքննարկել: Այն պիտի պատկանի կողմերից մեկին:

Բեկ Ամռո. Անցավ:

Պտերիքս. Այլ առաջարկներ կա՞ն:

Բեկ Ամռո. Գլուխս ոչինչ չի մտնում:

Պտերիքս. Առաջարկում եմ ընդմիջում անել մինչեւ առավոտ: Անձնակազմի հանձնարարությամբ հրավիրում եմ ձեզ համեստ ընթրիքի:

Օգոստոսի 8, երկրորդ օր.

Բեկ Ամռո. Մեր պատվիրակությունը շնորհակալություն է հայտնում ընդունելության համար: Մեր կողմից հրավիրում ենք ձեզ ճաշի:

Պտերիքս. Հրավերն ընդունում ենք: Սակայն գործի: Առաջարկում ենք կնքել նավերի ժամանակաչափերը: Դրանցում պիտի որ արձանագրված լինի մոլորակի հայտնաբերման ստույգ ժամանակը: Այդպիսով կարելի է պարզել կողմերից մեկի առաջնությունը:

Բեկ Ամռո. Իսկ ո՞ր եւ երաշխիքները, որ ձեր ժամանակաչափի ցուցմունքները չեն կեղծված:

Պտերիքս. (նեղացած) Ձեզ համար էլ ոչ ոք չի երաշխավորի:

Բեկ Ամռո. Ի դեպ, մենք վաղ ենք ճաշում եւ չէինք ցանկանա խախտել ժամակարգը:

Պտերիքս. Այդ դեպքում պետք է բոլորվել:

Բեկ Ամռո. Եւս մի բան: Վերցրեք ձեզ հետ ձեր օգնականին, ավագ լեյտենանտ Էնֆիքսին: Ես ուզում եմ նրա հետ զրուցել:

Օգոստոսի 12, վեցերորդ օր.

Անծանոթ դեմք հաճանալից. Հե՛յ, նախակի վրա, ո՞նց եք:

Ստաբիլիզատոր. Մայր Ամոռի գլուխը խումհարից ցավում է: Նա առաջարկում է բանակցությունները հետաձգել եւս մեկ օրով:

Անծանոթ դեմք. Գեներալ Պտերիքսը եւ ավագ լեյտենանտ Էնֆիքսը նույնպես վատառողջ են երեկվա ընթրիքից: Գեներալը հրավիրում է ձեզ նախաճաշի:

Օգոստոսի 26, քսաներորդ օր.

Գեներալ Պտերիքս. Ու ի՞նչ...

Մայր Բեյ Ամոռ. Իսկ նա էլ իրեն ասում է...

Պտերիքս. Ոչ այդքան արագ, մայր: Ես չեմ հասցնում գրառել:

Սեպտեմբերի 16, քառասունմեկերորդ օր.

Բեյ Ամոռ. Գեներալ, բանակցությունները փակուղու մեջ են, իսկ ինձ մնացել է ընդամենը երկու օրվա պաշար:

Պտերիքս. Ավագ լեյտենանտ Էնֆիքս: Անհապաղ մայր Բեյ Ամոռին եւ ռոբոտ Ստաբիլիզատորին դե՛լ հաճանալային լիակատար բավարարության:

Էնֆիքս. (ուրախ). Լսում եմ, ի՛նչ գեներալ:

Հոկտեմբերի 3, հիսունութերորդ օր.

Նախաճաշի ժամանակ գեներալ Պտերիքսը մայր Բեյ Ամոռին հանձնեց Կանաչ Ջրաշուշանի շքանշան եւ բաժակաճառ ազդարարեց ի պատիվ երկրացիների եւ անդրամերսցիների բարեկամության: Մայր Բեյ Ամոռը հանդես եկավ պատասխան ճառով: Նախաճաշն ընթացավ սրտալիր, անկեղծ պայմաններում: Երեկոյան մայր Բեյ Ամոռը պարզեւատրեց գեներալ Պտերիքսին գովասանագրով:

Դեկտեմբերի 11, հարյուրքսանյոթերորդ օր.

Բեյ Ամոռ. Չո՛րս ամիս էստեղ ցցված ենք: Պետք է որոշե՛լ, վերջապես:

Պտերիքս. Անձնակազմը առաջարկում է կռվացնել մեր ռոբոտներին: Ում ռոբոտը հաղթի, նրան էլ կհասնի մոլորակը:

Բեյ Ամոռ. Սկզբունքորեն ես համաձայն եմ: Հարցնեմ Ստաբիլիզատորին:

Ստաբիլիզատոր. ... (Մնացածը սղագրության մեջ անընթեռնելի է)

Դեկտեմբերի 12, հարյուրքսանութերորդ օր.

Առավոտյան տիեզերական տարածություն դուրս եկան ռոբոտ Ստաբիլիզատորը (Արեգակնային համակարգ) և ռոբոտ Ժբանը (Անդրոմեդացիների Ընկերակցություն): Մենամարտի պայմանների համաձայն ռոբոտները պիտի կռվեն բռունցքներով առանց ժամանակի սահմանափակման, ըղմիշումներով՝ ճաշի համար: Ժբանը և Ստաբիլիզատորը մոտենալով, իրար ձեռք մեկնեցին և հայտնեցին, որ իրենք խաղաղ ռոբոտներ են, և հրաժարվում են միմիջանց միջև սպանդ կազմակերպել:

Գեներալ Պտերիքսի հրամանով ռոբոտ Ժբանը ստացավ տասը օր կալանք անկարգապահության համար: Մայոր Բել Ամոռն ասաց Ստաբիլիզատորին. «Ես ք-քեզ ցույց կտամ», սակայն կարգապահական տույժի չենթարկեց և ոչինչ այնպես ցույց չտվեց:

Փետրվարի 1, հարյուրյոթանասունհիններորդ օր.

Պտերիքս. Ես արդեն ամեն ինչից զզվել եմ: Ճահճում ինձ կինս է սպասում: Ես վաղուց կզնայի, եթե դուք չլինե՞լիք:

Բել Ամոռ. Եկեք միասին հեռանանք:

Պտերիքս. Ես էլ ձեզ հավատացի:

Ստաբիլիզատոր. (Ինչ որ բան է փնթփնթում):

Բել Ամոռ. Գեներալ, ինձ մոտ լավ միտք ծագե՛ց: Եկեք հեռանանք մի կողմ և կազմակերպենք մրցավազք: Ով առաջինը մոտենա մոլորակին՝ լողան կղնի:

Պտերիքս. Ես չգիտեմ ձեր նախակի արագությունը:

Բել Ամոռ. Իսկ ես՝ ձեր հաժանալի արագությունը: Երկողմ փոանգախնդրություն է:

(Հետո սղագրությունում ճշտվում են մանրամասերը, և այստեղ գրվածքն ընդհատվում է:)

Մոլորակից տասը լուսային տարվա հեռավորության վրա գտան աստաղկերալ և որոշեցին մեկնարկել այնտեղից: Մրցավազքը ընթանում էր փոփոխական հաջողությամբ: Սկզբից առաջ անցավ Բել Ամոռը, իսկ հաժանավը ոչ մի կերպ չէր կարող պոկվել աստղակերպից: Գեներալ Պտերիքսը մոլեգնում էր. մեկ խոստանում էր բոլորին պաշտոնագրել, մեկ էլ բարձրացնել նրա՝ պաշտոնը, ով տիեզերք կհանի ևս չափակա-լուխկան: Ավագ լեյտենանտ Էնֆիքսը դառավ

կապիտան: Նա իջավ մեքենայական բաժանմունք եւ կիրառելով արտակարգ կատարելության հայեցողանք, օգնեց հնոցապաններին բացել առաջին տիեզերական արագություն:

Մինչեւ տարածության կեսը երկու աստղաթիռները հավասարվեցին եւ քարշ էին գալիս երկու լուսատարի՝ ժամում արագությամբ. քարշ էին գալիս այնքան ժամանակ, մինչեւ որ պոկվեց Բել Ամոռի շարժիչը:

— Ձեր շարժիչը պոկվեց,— հաղորդեցին հաժանավից:

— Պետք է դու՛րս թռնե՛լ,— խուճապահար ասաց Ստաբիլիզատորը եւ իրեն դուրս գցեց տիեզերական տարածություն:

Բել Ամոռը իջեցրեց արագությունը եւ նայեց շուրջը: Դրությունը խայտառակ էր: Միքիչ էլ, եւ վերջ...

Վերջին միլիարդ կիլոմետրերի վրա հաժանավը առաջ անցավ եւ առաջինը մոտեցավ մոլորակին: Այսպես էլ մրցավազքը ավարտվեց:

Բել Ամոռի համար եկավ ապրումների ժամանակը, բայց ապրումներին տրվել նրան խանգարում էր Ստաբիլիզատորը: Նա լողում էր փոշու կուտակման մեջ ինչ-որ մասում եւ խնդրում էր իրեն նավի վրա վերցնել:

— Ոտո՛վ կգաս,— կտրեց Բել Ամոռը: — Երբ կովել էր պետք, նահանջեցիր: Սկզբունքնե՛րդ թույլ չտվեցին:

— Խելքով էր պետք հաղթել,— տխուր պատասխանեց Ստաբիլիզատորը:

Բել Ամոռը հոգուց քաշեց եւ... ականջները սրեց: Գեներալը մոլորակի վրա ինչ-որ մեկի հետ կատաղի վիճում էր:

— Դուք չկա՛յիք, երբ մենք այստեղ էինք,— գոռում էր Գեներալը :— Ես վկա ունեմ: Նա հիմա կմոտենա:

Անձանոթ ձայնը առարկեց.— Այստեղ ոչ ոք չկար, երբ ես մոտեցա: Դուք ինձ խանգարում եք լողան դնել:

— Ես վկա՛ ունեմ,— կրկնում էր գեներալ Պտերիքսը:

— Ես ոչ մի վկա չգիտեմ: Ես գտա այս քարածխային մոլորակը իմ քաղաքակրթության համար եւ կպաշտպանեմ մինչեւ հաղթական վախճանը:

Բել Ամոռը մոտեցավ եւ տեսավ ուղեծրի վրա հսկայական անձանոթ աստղաթիռ. հաժանավը նրա կողքին չէր դիտվում:

— Պա՛հ, իսկապես որ... վկա... — զարմացավ անձանոթը, նկատելով Բել Ամոռին: — Այդ դեպքում առաջարկում եմ դիմել միջքաղաքակրթական միջնորդ դատարան:

Գեներալը տնքաց: Իսկ Բել Ամոռի մոտ հույս առաջացավ:

— Գեներա՛լ,— ասաց նա: — Տեսնում եք չե՞... Եկեք բաժանենք մոլորակը երեք մասի, իսկ հետո մեր քաղաքակրթությունները առանց մեզ գլուխ կհանեն:

— Իսկ ինչու՞ երեք մասի,— զարմացավ նոր ձայն: — Իսկ ինձ, ի՞նչ է, հաշվի չե՞ք առնում:

— Է՛, է՛ս ով է:

Մոլորակին մոտենում էր մի նախնադայա, ավելի շուտ շոգեմեքենա, քան՝ աստղաթիռ: Այնտեղ շնչասպառ էին լինում բերկրանքից:

— Անցնում եմ, հասկանում եք, մոտով, լսում եմ, կովում եմ, զգում եմ, ինչ-որ բանի հոտ է գալիս, արի, մտածում եմ, թեքվեմ, շտապելու տեղ չկա, տեսնեմ ի՛նչ. հաշ-երկու-օ-ի պաշարներով մոլորակ,—մեր մոտ այդպիսի մոլորակների համար հուշարձաններ են կանգնեցնում:

— Դուք չկա՛յիք այստեղ,— միաձայն մռնչացին Բել Ամոռը, Պտերիքսը եւ անձանոթը:

— Ինձ չի հետաքրքրում,— պատասխանեց շոգեմեքենան: — Եկել եք՝ լողան դրեք: Լողան չկա՝ ես կդնեմ:

— Փորձվե՛ք միայն:

— Իսկ ի՞նչ կլինի:

— Վա՛տ կլինի:

— Դե եթե դուք այդպես եք տրամադրված...— հիասթափված պատասխանեց շոգեմեքենան: — Եկեք որ այդպես է, չորս լողան դնեք... Վա՛յ, նայեք, եւս մեկը:

Ցավոք նա չսխալվեց. հայտնվել էր հինգերորդը: Լրիվ փոքրիկ: Այն շարժվում էր ցածր ուղեծրով, քսվելով մթնոլորտին:

— Ի՞նչ: Ո՛վ,— բղավեցին բոլորը: — Մինչ մենք այստեղ դատարկ-դատարկ դուրս ենք տալիս, նա լողա՛ն դնում: Տեսնո՛ւմ եք այդ անզգամին: Դուք այստեղ չ...

— Դա աստղաթիռ չի,— փնթփնթաց գեներալ Պտերիքսը, ուշադրությամբ դիտելուց հետո:— Դա լողա՛ն է: Ո՛վ համարձակվեց լողան դնել: Ես խաղաղապաշտ եմ, բայց այժմ ես կկրակե՛մ:

Դա լողան էր: Այն ազդանշում էր ինչ-որ չգրանցված այլագրով:

Բոլորը լռեցին, ուշադրությամբ նայեցին, ականջ դրեցին: Ցածր-ցածր լողում էր լողանը թթվածնային, նավթային, քարածխային, ջրային մոլորակի վրայով, եւ մոլորակը այլեւս չէր պատկանում նրանցից եւ ոչ մեկին:

Բել Ամոռի աչքերը թացացան, անձանոթը հազաց, շոգեմեքենան հեկեկաց:

— Կյանքումս առաջին անգամ... — շնչաց գեներալ Պտարիքսը եւ ձեռքը գրպանը տարավ՝ թաշկինակ հանելու: — Առաջին անգամ եմ ներկա լինում երկունքի պահին... հենց օրորոցից...

— Այդպիսի դեպքի առթիվ մեղք էլ չի... — ականարկեց շոգեմեքենան:

— Գնանք, գնանք... — աճապարեց անձանոթը: — Մեզ՝ ոսկրացածներիս, անտաշներիս համար այստեղ մնալու տեղը չի:

Բել Ամոռը անթարթ նայում էր լողանին:

Լողանը ազդանշում էր եւ հեռանում դեպի հորիզոնը:

Դա լողան չէր: Դա այս մոլորակի առաջին արհեստական արբանյակն էր: